

# ***Ilanngussaq K***



**Ilinniartitaanermut, Kultureqarnermut,  
Iisimatusarnermut Ilageeqarnermullu  
Naalakkersuisoq**

Ulloq: 23. oktober 2015

J.nr.: 01.31.11-00015

**Aningaasaqarnermut Akileraartarnermullu Ataatsimiititaliamit ataasinngornermi ulloq 26. oktober 2015, nal. 11.30 ataatsimiittarfik 1-imi siunersiorneqarnissamut aggeq-qusissut.**

2016-imi aningaasanut inatsisissatut siunnersuut pillugu Inatsisartut suleriaasianni § 19 naapertorlugu siunersiorneqarnissamut Ilinniartitaanermut, Kultureqarnermut, Iisimatusarnermut Ilageeqarnermullu Naalakkersuisoq Aningaasaqarnermut Akileraartarnermullu Ataatsimiititaliamit matumuuna aggersarneqarpoq. (UKA 2015/7).

**Aningaasaqarnermut Ataatsimiititaliap oqaaseqaatai apeqqutaalu:**

Aningaasaqarnermut Ataatsimiititaliap 2016-imi aningaasanut inatsisissatut siunnersuummut ilassutitut apeqqutai oqaaseqaataalu matumuuna nassiunneqarput. Ataatsimiititaliap apeqqutaanut Naalakkersuisut akissutaasa Aningaasaqarnermut Ataatsimiititaliamit misissorneqarnerat apeqqutinut pingaarnertut tungavigineqarpoq.

Tassunga atatillugu apeqqutit makku Naalakkersuisunit akineqarnissaat Aningaasaqarnermut Akileraartarnermullu Ataatsimiititaliamit kissaatigineqarpoq:

Immikkoortut normui taaneqartut ataatsimiititaliap 28. september apeqqutaanut normulionneqartut assigaat.

**3.9. Immikkoortoq 4. Attassisinnaanissamut siuarsaanissamullu pilersaarut nutaag, qupperneq 99**

- b) *Amerlanerit sukkanerusumik ilinniagaqartarnissaat anguniagarineqarpat Piareersarfii taama salliuillugit pingaartinneqarnerujussuat ataatsimiititaliamit eqqumiigineqarpoq. Inuusuttut kingusissukkat Piareersarfimmi aallartikkajupput, tamannalu ilinniarnernannut sivitsorsaataasarluni. Inuusuttut sukkanerusumik ilinniagalersikkumalugit Piareersarfii pinnagit periarfissanik allanik Naalakkersuisut peqannginnamik?*

**Apeqqut:**

Suliniut aallartinneqarsimasoq aammalu nalunaarusiaq 2015-ip naalernerani piareertussatut naatsorsuutigineqartoq Naalakkersuisut akissummi oqaatigaat. Nalunaarusiaq taannarpiaq Inuussutissarsiornermut, Suliffeqarnermut, Niuernermit Nunanullu Allanut Naalakkersuisup ataatsimiititaliap apeqqutaanut 3.2-mut akissutimini taasaa pineqartoq ataatsimiititaliamit ilimagineqarpoq?

**3.15. Immikkoortoq 7.2, Ilinniartitaaneq, qupperneq 108**

- b) *Naalackersuisut qupp. 109-mi meeqqat atuariannut tunngasumi suliniuteqarfigissasatut toqqarneqarallartut tallimat nalunaarsorpaat. "Atuarfimmi avatangiisit" immikkoortunut tallimanut taakkununga ilanngunneqarnissaannik ataatsimiititaliap isumaliutaata Naalackersuisunit oqaaseqarfigineqarnissaa ataatsimiititaliamit kissaatigineqarpoq?*

Apeqqut:

Meeqqat atuariannut immikkoortumut pilersaarutit kimit suliarineqartarpat?

10.6 Konto pingaarnaq 40.40.01 Ilinniartitaanermut Aqutsisoqarfik

*Kommunit inatsisitigut pisussaaffigalugit suliassaminnik isumaginninnerannik ilinniartitaanermut aqutsisoqarfiup nakkutilliisussaani qanoq ingerlappaa?*

*Nakkutilliinermik sulinerup taassuma inernera Aningaasaqarnermut Akileraartarnermullu Ataatsimiititaliamit inussiarnersumik qinnutigineqarpoq.*

Apeqqut:

Nalilersuinerumut nalunaarusiaq akissummi taaneqartoq aallaavigalugu Naalackersuisut sulinertik qanoq ingerlateqqilersaarpaat?

10.10 Konto pingaarnaq 40.90.08 Ilinniartitaanermi PAT-i

*"Aningaasartuutit allat" aammalu "isertitat" malunnaatilimmik allanngunngitsut aningaasaliisutini akissarsianut aningaasartuutit 2015-imi millioninik amerlineqarsimapput. Qanoq tamanna paasineqassava?*

*Sulissaqarfimmi tassani suna anguniagaava? Ilinniartitaanermi PAT qaffasinnerpaaffissaminiilersimasoq akuerineqarsinnaasorlu Naalackersuisut isumaqarpat? Imaluunniit pitsanngorsaanissamat periarfissaqarpat?*

Apeqqut:

Naalackersuisut allapput pitsanngoriarfissat suli inissaqartinneqartut, Naalackersuisullu anguniaraat nuna tamakkerlugu internetikkut attaveqaatit siornamut sanilliullugu ilinniartitaanikkut suli imaqarnerulernissaat sukkanerulernissaallu.

Pitsanngorsaatissanut kissaatigineqartunut pisariaqartitsinerup annertussusia Naalackersuisup kisitsisertalersinnaavaa?

10.13 Konto pingaarnaq 40.92.10 Folkehøjskolit

- a) *Knud Rasmussen højskoliani sumut killittoqarpat? Ilniartorineqarsinnaasut amerlassusissaat tamakkerlugit qaqugu tiguneqarsinnaaleqqissasut, taamaalillunilu folkehøjskolit siunertarisaminik qaqugu naammassinnissinnaalernissaa naatsorsuutigineqarpat?*

Apeqqut:

Sisimiuni Knud Rasmussenip Højskoliata illuutaasa Namminersorlutik Oqartussanit tiguneqarnissaat pillugu aningaasaliissuteqarnissamik suliaq ataatsimiititaliamit akuerineqarmat ataatsimiititaliap Naalackersuisunut eqqumaffigeqqussavaa. Suliaq nr. 01.31.06/14-00683-itut suliaasaq ull. 22. december 2014-imi akuerineqarpoq. Taamaattumillu illutat iluarsaanneqarnissaat siunertaralugu Knud Rasmussenip Højskoliata illuutaasa Namminersorlutik Oqartussanit tiguneqarsinnaanerannut periarfissat misissorneqarnerannik Naalackersuisut paasissutissiissutaat ataatsimiititaliamit eqqumiigineqarpoq.

10.13 Konto pingaarnaq 40.92.10 Folkehøjskolit

- b) Suliffissaaleqineq akiorniarlugu suliniuteqarnermi imaluunniit naqinnernik ilisarinnis-sinnaanngitsunik ilinniaritsinermi Folkehøjskolit atorpeqassasut Naalakkersuisut isumaqarpat? Taamaassimappat naatsumik nassuiaasoqassasoq ataatsimiititaliamit kissaatigineqarpoq.

Apeqqut:

Suliat aallartinneqarsimasut Naalakkersuisut akissutiminni taassat sumut killippat?


Naalakkersuisumik siunersiuinermini allanik aamma apeqquteqarnissani ataatsimiititaliap naatsorsuutigaa.

-----

Ataatsimiititaliap Naalakkersuisumik siunersiuinerata Naalakkersuisup ataatsimiititaliallu akomanni pingaarnersiulluni tullerriaarinerit anguniakkallu pillugit naalakkersuinermit tunngasumik oqaloqatigiinnertut sapinngisamik iluseqartinneqartarnissaa Aningaasaqarnermut Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik siunersiuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik siunersiuinerata kinguninngua uunga nassiunneqarnissaa qinnutigineqarpoq: [saam@ina.gl](mailto:saam@ina.gl). Allakkiaq ataatsimiititaliap Naalakkersuisumik siunersiuineranut nassarneqarpat atorpeqar-pallu taassuma nuutinnera ataatsimiititaliap Naalakkersuisumik siunersiuinerata aallar-tinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Ataatsimiititaliap sinnerlugu



Jens Immanuel

Aningaasaqarnermut Akileraartarnermullu Ataatsimiititaliap Siulittaasua



## Inatsisartut

Aningaasaqarnermut Ataatsimiititaliaq

### Isumasioqatigiinnissamut atatillugu allakkatigut akissutit - Aningaasaqarnermut Ataatsimiititaliaq - 26. oktober.

26-10-2015  
Sagsnr. 2015 - 1128  
Dok. nr. 1427718

#### 3.9. Immikkoortoq 4, Attassisinnaanissamut siuarsaanissamullu pilersaarut nutaaq, quuq 99

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: iiknn@nanog.gl  
www.nanog.gl

- b) Amerlanerit sukkanerusumik ilinniagaqartarnissaat anguniagarineqarpat  
Piareersarfiit taama salliutillugit pingaartinneqarnerujussuat ataatsimiititaliamit  
eqqumiigineqarpoq. Inuusuttut kingusissukkut Piareersarfimmi aallartikkajupput,  
tamannalu ilinniarnernannut sivitsorsaataasarluni. Inuusuttut sukkanerusumik  
ilinniagalersikkumallugit Piareersarfiit pinnagit periarfissanik allanik  
Naalakkersuisut peqannginnamik?

#### Apeqqut:

Suliniut aallartinneqarsimasoq aammalu nalunaarusiaq 2015-ip naalernerani  
piareertussatut naatsorsuutigineqartoq Naalakkersuisut akissummi oqaatigaat.  
Nalunaarusiaq taannarpiaq Inuusutissarsiornermut, Suliffeqarnermut, Niuernermut  
Nunanullu Allanut Naalakkersuisup ataatsimiititaliap apeqqutaanut 3.2-mut akissutimini  
taasaa pineqartoq ataatsimiititaliamit ilimagineqarpoq?

#### **Akissut:**

Aap, nalunaarut taanna pineqarpoq.

#### 3.15. Imm. 7.2, Ilinniartitaaneq, qup. 108

- b) Naalakkersuisut qupperneq 109-mi allattorsimavaat meeqqat atuarianni  
suliassaqarfimmi suliniuteqarfissaagallartut tallimat. Ataatsimiititaliap kissaatigaa  
Naalakkersuisut oqaaseqarfiggisagaat ataatsimiititaliap "atuarfimmi avatangiisit"  
suliniuteqarfissanut tallimanut ilanngunneqartussatut isumaliuteqarnera?

#### Apeqqut:

Meeqqat atuariannut immikkoortumut pilersaarutit kimit suliarineqartarpat?

#### **Akissut:**

Meeqqat atuariannut tunngasumik pilersaarut annertunerusutigit kommuninit  
ataasiakkaanit suliarineqartarpoq. Nuna tamakkerlugu isigigaanni Naalakkersuisut  
politikikkut aamma Ilinniartitaanermut, Kultureqarnermut, Ilisimatusarnermut  
Ilageeqarnermullu Naalakkersuisoqarfik allaffissornikkut ingerlaavartumik  
minnerunngitsumik kommuninik aamma IMAK-imik qanimut oqaloqateqartuurtarpoq,  
qanoq iliorluni meeqqat atuariannut atatillugu Naalakkersuisut suliassaat  
pitsanngorsarneqarsinnaanersut ineriartortinneqarsinnaanersullu pillugit.

Sanaartugassanut atatillugu immikkoortumi uani pilersaarutit eqqarsaatigalugit taanna suli kommunit aamma Naalakkersuisut akornanni suliaavoq avillugu ingerlanneqartoq. Allaffissornikkut suleqatigiissitaq sanaartugassanik aserfallatsaaliinermut nutarterisarnermullu tunngatillugu suliaqartoq, akisussaaffiullu sumi inissisimanissaanik inassuteqartussa, suli naatsorsuutigineqarpoq aaqqiissutissatut siunnersuutini saqqummiussaqaassaq, politikikkut ataqatigiissaarisunut, ukioq naatinngu.

#### 10.6 Konto pingaarneg 40.40.01 Ilinniartitaanermut Aqutsisoqarfik

*Kommunit inatsisitigut pisussaaffigalugit suliassaminnik isumaginninnerannik ilinniartitaanermut aqutsisoqarfiup nakkutilliisussaani qanoq ingerlappaa?*

*Nakkutilliinermik sulinerup taassuma inerneru Aningaasaqarnermut Akileraartarnermullu Ataatsimiititaliamit inussiarnersumik qinnutigineqarpoq.*

#### Apeqqu:

*Nalilersuinerumut nalunaarusiaq akissummi taaneqartoq aallaavigalugu Naalakkersuisut sulinertik qanoq ingerlateqqilersaarpaat?*

#### **Akissut:**

Naalakkersuisut suliniuteqarfissat tallimat toqqarsimavaat.

1. Perorsaanikkut sulisunillu aqutsinikkut aqutsineq pitsaanerusoq.
2. Pitsaassutsinik nalilersuisarnermi periaasissat
3. Iliuusissatut pilersaarutit / atuartut mappii
4. Atuarfiup angerlarsimaffiullu suleqatigiinnerat
5. Allamiut oqaasiinik atuartitsinerup nukittorsarnissaa

Naalakkersuisut, pingaarnertut Ilinniartitaanermut Aqutsisoqarfikkut kommunit aamma IMAK suleqatigalugit suli ingerlateqqissavaat, suliassaqarfiit taakkua tigussaannerusumik aaqqiissuuniarlugit, taamalu nalilersuinerumut nalunaarusiami pissutsit isorineqartut sunaassusersineqarniassammata.

#### 10.10 Konto pingaarneg 40.90.08 Ilinniartitaanermi PAT-i

*"Aningaasartuutit allat" aammalu "isertitat" malunnaatilimmik allanngunngitsut aningaasaliissutini akissarsianut aningaasartuutit 2015-imi millioninik amerlineqarsimapput. Qanoq tamanna paasineqassava?*

*Suliassaqarfimmi tassani suna anguniagaava? Ilinniartitaanermi PAT qaffasinnerpaaffissaminiilersimasoq akuerineqarsinnaasorlu Naalakkersuisut isumaqarpat? Imaluunniit pitsanngorsaaniissamut periarfissaqarpa?*

#### Apeqqu:

*Naalakkersuisut allapput pitsanngoriarfissat suli inissaqartinneqartut, Naalakkersuisullu anguniaraat nuna tamakkerlugu internetikkut attaveqaatit siornamut sanilliullugu ilinniartitaanikkut suli imaqarnerulernissaat sukkanerulernissaallu.*

*Pitsanngorsaatisannut kissaatigineqartunut pisariaqartitsinerup annertussusia Naalakkersuisup kisitsisertalersinnaavaa?*

**Akissut:**

Naalakkersuisut eqqoqqissaartunik kisitsisitaleruminaatsipaat pitsanngorsaatisat annertunerusut suunersut. Ilinniagaqartut tamarmik atuarfinni internet-imut attaveqarput, taamaattumillu annerusumik sukkassuseq taannaavoq IT-mut tunngasumik atuartsinerni ajornartorsiutaasoq. Nunap ilarujussuani IT-mut aningaasaliissutit amigaataanerannik pissuteqanngilaq killeqartumik periarfissaqarneq, kisiannili radiokæde-p tamakkiisumik atorneqareenera.

Ilinniartitsisut suliassaqaqfinni tamani taamaattumik perorsaanermi IT-mik iluaquteqarnertik killeqartumik periarfissanut naleqqussartarpaat. Attaveqarsinnaanermut periarfissat annertusarneqarnerat ilutigalugu naatsorsuutigineqarpoq perorsaanermi atortorissaarutini atuinerup naleqqussarneqarnissaa, atuisinnaanerullu annerunissaanik kissaatit pilissallutik.

**10.13 Konto pingaarneq 40.92.10 Folkehøjskolit**

- a) *Knud Rasmussen højskoliani sumut killittoqarpa? Ilinniartorineqarsinnaasut amerlassusissaat tamakkerlugit qaqugu tiguneqarsinnaaleqqissasut, taamaalillunilu folkehøjskolit siunertarisaminik qaqugu naammassinnissinnaalernissaa naatsorsuutigineqarpa?*
- b) *Suliffissaaleqineq akiorniarlugu suliniuteqarnermi imaluunniit naqinnernik ilisarinnissinnaanngitsunik ilinniartitsinermi Folkehøjskolit atorneqassasut Naalakkersuisut isumaqarpat? Taamaassimappat naatsumik nassuiaasoqassasoq ataatsimiititaliamit kissaatigineqarpoq.*

**Apeqqut:**

*Sisimiuni Knud Rasmussenip Højskoliata illuutaasa Namminersorlutik Oqartussanit tiguneqarnissaat pillugu aningaasaliissuteqarnissamik suliaq ataatsimiititaliamit akuerineqarmat ataatsimiititaliap Naalakkersuisunut eqqumaffigeqqussavaa. Suliaq nr. 01.31.06/14-00683-itut suliassaq ull. 22. december 2014-imi akuerineqarpoq. Taamaattumillu illutat iluarsaanneqarnissaat siunertaralugu Knud Rasmussenip Højskoliata illuutaasa Namminersorlutik Oqartussanit tiguneqarsinnaanerannut periarfissat misissomeqarnerannik Naalakkersuisut paasisutissiisutaat ataatsimiititaliamit eqqumiigineqarpoq.*

*Suliat aallartinneqarsimasut Naalakkersuisut akissutiminni taasaat sumut killippat?*

**Akissut:**

Naalakkersuisut Aningaasaqarnermut Ataatsimiititaliap pingaarnertut akuersinerat tunngavigalugu paasinninneraat Naalakkersuisut ingerlaqqittumik Knud Rasmussen-ip Højskolia (KRH) isumaqatigiinniarsinnaagaat illuutit tigunissaannut atugassarititaasussat ersarissut qanoq ittuunissaat pillugu. Pingaarnerusutigullu KRH-lu paaseqatigiissutaapput atugassarititaasussat, naatsorsuutigineqarluni sapaatip akunnerini aggersuni Naalakkersuisunut saqqummiussisoqassasoq ilassutitut aningaasaliissuteqarnissamut qinnuteqaammik. Naalakkersuisunilu suliassaq taanna suliarineqareerpat Aningaasaqarnermut Ataatsimiititaliamut suliassatut ingerlatsinneqassaaq. Naalakkersuisut isumagisimavaat ilassutitut aningaasaliissuteqarnissami atugassarititaasussat ersarissut pisariaqartikkaat taakkua Aningaasaqarnermut Ataatsimiititaliami suliarineqarnissaat akuersissutigineqarnissaallu, naak Aningaasaqarnermut Ataatsimiititaliap siusinnerusukkut inussiarnersumik

ersersereersimagaluaaraat ilassutitut aningaasaliissuteqarnissami killiliussassatut naatsorsuutigisaasut.

Folkehøjskolit suliffissaaleqinerup akiorneqarneranut atatillugu aamma / imaluunniit naqinnernik ilisarinnissinnaannginnermut suliniutinut tunngatillugu Naalakkersuisut kissaatiginartutut isigaat Folkehøjskolit suliassa qarfiit taakkua iluini annerusumik suliniuteqarsinnaanerat. Folkehøjskolit ingerlatsiviupput namminersortut, taamaattumillu Folkehøjskolit taakkuupput namminneq isummertussat suliassa qarfiit suut inatsisit atuuttut iluanni højskolit tapiissutinik pissarsiaminnik suliniuteqarfiginiarneraat. Tamatumunngalu ilaliullugu Naalakkersuisut oqaatigissavaat piffissami matumani akornuserneqanngimmat højskolit tapiissutisiaminnik 2015-imi 12,130.000 kr.-inik annertussuseqartunik folkehøjskolip nammineq iluani naqinnernik ilisarinnissinnaanngitsunik aamma / imaluunniit suliffissaaleqinermik akiuniarnermi suliassanik ingerlatsisinnaanerat.

Naalakkersuisut KANUKOKA-mut aamma Folkehøjskolinut isumaqatigiissutigaaat ukiup affaani tulliuuttumi illuatungeriit pingasut akornanni oqaloqatigiinnermik ingerlatsisoqassasoq tassani Folkehøjskolit siunissaat oqaloqatigiissutigineqassamat. Tamanna soorunami suli aallaaveqartumik Folkehøjskolit namminersortuunerannik, kisiannili isiginiarlugu Folkehøjskolit periarfissaqarpat inuiaqatigiinni pisariaqartitsinnermut, soorlu naqinnernik ilisarinnissinnaanngitsunut aamma / imaluunniit suliffissaaleqinerup akiorneqarnerani qaninnerusumik suleqataasinnaanerat eqqarsaatigalugu.

Inussiarnersumik inuulluaqqusilluta  
Med venlig hilsen

Nivi Olsen